


春秋左傳注疏

唐 唐 晉
孔 陸 杜
穎 德 氏
達 明 氏
疏 音 義 注



春秋左傳注疏卷二

起隱公三年盡五年

晉杜氏注 唐陸德明音義 孔穎達疏



經三年春王二月己巳日有食之**注**無傳日行遲一歲一周天月行疾一月一

周天一歲凡十二交會然日月動物雖行度有大量不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事

今釋例以長歷推經傳明此食是二月朔也不書朔史失之書朔日例在桓十

七年音義

己巳上音紀下音祀後倣此食如字

疏

正義曰古今之言歷者大率皆以周天為三百六十五

度四分度之一日行比月為遲每日行一度故一歲乃行一周天月行比日為疾每日行十三度十九分度之七故一月內則行一周天又行二十九度過半乃逐及日言一月一周天者略言之耳其實及日之時不啻一周天也日月雖共行於天而各有道每積二十九日過半行道交錯而相與會集以其一會謂之一月每一歲之間凡有十二會故一歲為十二月日食者月掩之也日月之道互相出入或月在日表從外而入或月在日里從內而出外道有交錯故日食也二十九日過半月及日者以歷家一度分為九百四十分則四百七十分為半今月來及日凡二十九日又四百九十九分是過半校二十九分也日有食之言有物來食之也日月同處則日被月映而形魄不見聖人不言日被月食而云日有食之者以其月不可見作不知之辭穀梁傳曰其不言食之者

春秋左傳注疏卷二

一

春秋左傳注疏

何也知其不可知知也是言慎疑故不言月也朔則交會故食必在朔然而每朔皆會應每月常食故解之言日月動物雖行度有大量不能不小有盈縮故有雖交會而不食者或有頻交而食者自隱之元年盡哀二十七年積二百五十五年凡三千一百五十四月唯三十七食是雖交而不食也襄二十二年九月十月頻食二十四年七月八月頻食是頻交而食也食無常月唯正陽之月君子忌之以日食者陰侵陽也當陽盛之月不宜為弱陰所侵故有伐鼓用幣之事餘月則否其日食例皆書朔己巳之下經無朔字長歷推此己巳實是朔日而不書朔史失之也此注作大判言耳戰國及秦歷紀全差漢來漸候天時始造其術劉歆三統以為五月二十三日月之二十而日一食空得食日而不得加時漢末會稽都尉劉洪作乾象歷始推月行遲疾求日食加時後代脩之漸益詳密今為歷者推步日食莫不符合但無頻月食法故漢朝以來殆將千歲為歷者皆一百七十三日有餘而始一交會未有頻月食者今頻月而食乃是正經不可謂之錯誤世考之歷術事無不驗不可謂之疏失由是注不能定故未言之也又漢書高祖本紀高祖即位三年十月十一月晦日頻食則自有頻食之理其解在襄二十四年穀梁傳曰言日不言朔食晦日也朔日並不言食晦夜也朔日並言食正朔也言朔不言日食既朔也

三月庚戌天王崩**注**周平王也實以壬戌崩欲諸侯之速至故遠日以赴春秋

不書實崩日而書遠日者即傳其偽以懲臣子之過也襄二十九年傳曰鄭上

卿有事使印段如周會葬今不書葬魯不會**音義**

即傳直專反

疏

正義曰曲禮下曰天子死

曰崩諸侯曰薨大夫曰卒士曰不祿庶人曰死鄭玄云異死名者為人褻其無知若猶不同然也自上顛壞曰崩薨顛壞之聲卒終也不祿不終其祿死之言

漸也精神漸盡也是由天子尊若山崩然諸侯卑取崩之聲以為尊卑之差也
不書天王名者以海內之主至尊之極故敬而不敢名也穀梁傳云高曰崩厚
曰崩尊曰崩天子之崩以尊也其崩之何也以其在民上故崩之其不名何也
大上故不名也蘇氏云王后崩大子卒不書者赴不及魯也今以為略之例所
不書也告喪禮云告王喪曰天王登假此言崩者魯史裁約為文不道當時赴
不言登假也注周平至不會正義曰今檢杜注無葬者皆顯言其謚此為無葬
故言周平王也仲尼脩經當改正真偽以為褒貶周人赴不以實孔子從偽而
書者周人欲令諸侯速至故遠其崩日以赴也不書其實而從其僞言人知其
僞則過足章矣故即傳其僞以懲創臣子之過釋例曰天王僞赴遂用其虛明
日月闕否亦從赴辭君子不變其文以慎其疑且虛實相生隨而長之真偽之
情可以兩見承赴而書之亦所以示將來也

夏四月辛卯君氏卒注隱不敢從正君之禮故亦不敢備禮於其母疏

正義曰君氏者

隱公之母聲子也謂之君氏者言是君之母氏也母之與子氏族必異故經典通呼母舅為母氏舅氏言其與己異氏也

秋武氏子來求賻注武氏子天子大夫之嗣也平王喪在殯新王未得行其爵

命聽於冢宰故傳曰王未葬釋其所以稱父族又不稱使也魯不共奉王喪致

令有求經直文以示不敬故傳不復具釋也音義

賻音附殯必刃反共音恭本又作供音同令力呈反復扶

又疏正義曰武氏者天子大夫之姓直云武氏子不書其字則其人未成為反大夫也若是上士例當書名又不應繫之父族謂之為子明其是大夫之

春秋左傳注疏卷二

二

春秋左傳注疏

子也又王使至魯皆言天王使矣此後不言王使明其不稱王命也以此知此人父喪已終宜嗣父位但平王未命而崩新王居喪未得行其爵命政事聽於冢宰冢宰使之適魯冢宰不得專命故作自來之文傳言王未葬者意兼兩事王喪在殯新王不得加臣爵位故此人仍繫父族王又不得命臣出行故此人不稱王使以未葬之故闕此二事故傳以未葬解之

八月庚辰宋公和卒注稱卒者略外以別內也元年大夫盟於宿故來赴以名

例在七年音義

別彼列反

冬十有二月齊侯鄭伯盟于石門注來告故書石門齊地或曰濟北盧縣故城

西南濟水之門

癸未葬宋穆公注無傳魯使大夫會葬故書始死書卒史在國承赴為君故惡

其薨名改赴書也書葬則舉謚稱公者會葬者在外據彼國之辭也書葬例在

昭六年音義

為于僞反疏正義曰文九年叔孫得臣如京師葬襄王昭三年惡烏路反注叔弓如滕葬滕成公如此之類遣卿行者皆書其使

名此不書使名知是大夫往也大夫奉命出使位賤不合書名故直書其所為之事而已盟則云及某盟會則云會某人葬則云葬某公舉其所為之事明有使往可知也釋例曰先王之制諸侯之喪大夫弔卿共葬事夫人之喪士弔大夫送葬及其失也禮過於重文襄之伯因而抑之諸侯之喪大夫弔卿共葬事夫人之喪士弔大夫送葬猶

過古制故公子遂如晉葬襄公傳不言禮葬秦景公傳曰大夫如秦葬景公特稱禮也一以示古制二以示書他國之葬必須魯會三以示奉使非卿則不書於經此丘明之微文也是言大夫得正而卿過禮也諸侯曰薨禮之正名魯史自書君死曰薨若鄰國亦同書薨則與己君無別國史自在己國承他國赴告為與己君同故惡其薨名雖赴稱薨皆改赴書卒略外以別內也至於書葬則五等之爵皆舉謚稱公者會葬者在於國外據彼國之辭彼國臣子稱君曰公書使之行不得不稱公也春秋所稱曲存魯史之義內稱公而書薨所以自尊其君則不得不略外諸侯書卒以自異也至於既葬雖邾許子男之君皆稱謚而言公各順臣子之辭兩通其義是其說也案禮雜記赴告之辭云君訃於他國之君曰寡君不祿敢告於執事然則赴辭本無薨語而云惡其薨名者以夫人薨例云不赴於諸侯則不曰薨明其以薨告人故書薨也是知王侯喪者其通國命皆以崩薨相告記之所稱謂答主人之問飾其文辭耳若以記文無薨即疑不以薨告記稱大夫士赴人之辭皆云不祿豈大夫無卒名也以此知相赴策書必以薨為文但擯者口傳赴辭義在謙退從士之不祿故禮記言之赴則必以薨但改赴書卒耳史之書事莫不在國會葬者自可在外書策者國內書之而云據彼國之辭者書使行之事言使為此事行故文從彼稱不謂書不在國也卿為君逆謂之逆女亦是書已之使據彼稱女與此同也

傳三年春王三月壬戌平王崩赴以庚戌故書之夏君氏卒聲子也不赴於諸侯不反哭于寢不祔于姑故不曰薨不稱夫人故不言葬**注**夫人喪禮有

三薨則赴於同盟之國一也既葬日中自墓反虞於正寢所謂反哭于寢二

春秋左傳注疏卷二

三

五十四

也卒哭而祔於祖姑三也若此則書曰夫人某氏薨葬我小君某氏此備禮之文也其或不赴不祔則為不成喪故死不稱夫人薨葬不言葬我小君某

氏反哭則書葬不反哭則不書葬今聲子三禮皆闕釋例論之詳矣**音義** 祔

附疏**注**正義曰僖八年致夫人傳曰不赴於同則弗致故知赴者赴於同盟之國也禮檀弓記葬禮云既封有司以几筵舍奠於墓左反日中而虞

士喪禮既葬乃反哭於廟遂適殯宮而虞是既葬日中自墓反虞於正寢正寢即殯宮也僖三十三年傳與檀弓記皆云卒哭而祔喪服小記曰婦祔於祖姑雜記曰妾祔於妾祖姑是祔於姑者祔於祖姑也此三者皆夫人之喪禮夫人喪禮有三史策所書有二唯卒葬兩事而已其卒之異者或云夫人某氏薨仲子文姜之類是也或云某氏卒定姒孟子是也葬之異者或云葬我小君某氏文姜敬嬴之類是也或云葬某氏葬定姒是也或則不書葬也今聲子三禮皆闕經異常辭必是闕一事則變一文但傳既并釋注不顯配雖言釋例詳之例亦未甚分明此傳故上三事故下三事若以次相配則不赴於諸侯故不曰薨不反哭於寢故不稱夫人不祔於姑故不言葬文次相屬事乃似然但顧下傳義則不爾定十五年姒氏卒傳曰不稱夫人不赴且彼二傳皆以不赴解不稱夫人以不反哭解不書葬然則由不赴故不言葬小君由不反哭故不書葬也二事既然則由不祔故不稱夫人斷可知矣傳文不以次相配者初死乃赴葬乃反哭反哭之後始祔三者依事之先後為文也至書於經則夫人與薨共文故先言不稱夫人後言不書葬順經之先後為文也禮之本意必赴乃稱薨祔乃稱夫人反哭乃書葬者夫人與君同體死

必赴於鄰國若不以赴告於鄰國則夫人之禮不成尊成以否義由赴告成尊之狀在於書薨故赴則稱薨不赴則不稱薨也禮適祔於適祖姑妾祔於妾祖姑亦既不祔於姑便是適妾莫辯故祔則稱夫人不祔則不稱夫人也既葬於墓反哭於寢哀之尤極情之最切既葬而不反哭全是不念其親葬與不葬殆無以異故不反哭則不書葬也皆所以懲臣子責其不行禮也人之行禮有勤有惰未必廢則俱廢行則皆行此聲子自三禮皆闕其餘或可一行一否釋例曰夫人子氏赴而不反哭故不書葬定姒則反哭而不赴故書葬而不言小君以此二者據傳則然理在不惑但不知赴而不祔祔而赴者辭當云何耳薨者夫人之死號不稱夫人必不得稱薨也小君者夫人之別號不稱夫人必不得稱小君也孟子卒下注云不稱夫人故不言薨是夫人與薨文相將也葬定姒傳曰不稱小君不成喪也注云不赴不祔故不稱小君傳以不赴不祔解不稱夫人注以不赴不祔解不稱小君是夫人小君文相將也夫人也薨也小君也三者相將之物不可致詰蓋赴祔二禮課行一事則具此三文二事並廢則三文皆去耳何則檢此傳相配不赴則不曰薨不祔則不稱夫人由赴不祔不由赴也孟子之傳乃云不赴故不稱夫人是稱夫人由赴不祔不由赴也定姒之傳云不稱夫人不赴且不祔又以二事並解不稱夫人注云赴同祔姑夫人之禮二者皆闕故不曰夫人明是二者俱闕乃去夫人課行一事則稱夫人稱夫人則必書薨書薨則必稱小君所異者不反哭則不書葬若不書葬則小君之文無所施耳即仲子是也赴同祔姑皆是夫人之禮故赴而不祔祔而不赴則皆曰夫人某氏薨惠公自有元妃別為仲子立廟則仲子未必祔姑蓋以赴同之故得稱夫人薨也

不書姓為公故曰君氏注不書姓

辟正夫人也隱見為君故特書於經稱曰君氏以別凡妾媵音義

為公音于偽反見賢

春秋左傳注疏卷二

四

遍反別疏

正義曰辟正夫人謂辟仲子耳何則妾子為君則其母得為夫彼別反

人不須辟仲子也但公以讓位之故不從正君之禮故亦不備禮於其母使之辟仲子也釋例曰凡妾子為君其母猶為夫人雖先君不命其母母以子貴其適夫人薨則尊得加於臣子外內之禮皆如夫人矣故姒氏之喪責以小君不成成風之喪王使會葬傳曰禮也隱以讓桓攝位故不成禮於聲子假稱君氏以別凡妾媵蓋是一時之宜隱之至義也是其辟仲子之意也

鄭武公莊公為平王卿士注卿士王卿之執政者言父子秉周之政王

貳于號注號西號公亦仕王朝王欲分政於號不復專任鄭伯音義

朝直遙反復扶

又反任而鳩反後不音者皆同

鄭伯怨王王曰無之故周鄭交質王子狐為質於鄭鄭公子

忽為質於周注王子狐平王子音義

質音致下同狐音胡

王崩周人將舁號公政注周

人遂成平王本意音義

界必二反與也

四月鄭祭足帥師取溫之麥秋又取成周之

禾注四月今二月也秋今之夏也麥禾皆未熟言取者蓋芟踐之溫今河內

溫縣成周洛陽縣也音義

祭側界反芟所銜反

疏正義曰此直言秋秋有三月若是

者以此傳在武氏之上案經武氏之下有八月宋公和卒則知此是七月故為今之夏謂今之五月也麥熟在夏而云麥禾皆未熟者謂四月之時麥未熟七月之時禾未熟周鄭交惡注兩相疾惡君子曰信不由中質無益也明

二者異時故言皆也

恕而行要之以禮雖無有質誰能間之苟有明信澗谿沼沚之毛注谿亦澗

也沼池也沚小渚也毛草也音義

要於遙反間澗廁之間谿苦兮反爾雅云山夾水曰澗山澗無所通曰谿沼之紹反

沚音止亦音市本又作時

蘋蘩蕓藻之菜注蘋大萍也蘩皤蒿蕓藻聚藻也音義

蘩音頻

蕓紆紛反藻音早萍蒲

疏

正義曰毛即菜也而重其文者谿沼言地之陋蘋藻言菜之薄故文重也

注

谿亦至毛草正義曰爾

雅釋山云山夾水澗李巡曰山間有水釋名曰言水在兩山間也釋水曰水

注川曰谿李巡曰水出於山入於川釋山又云山澗無所通谿李巡曰山中

水澗雖無所通與水注川同名宋均曰無水曰谷有水曰谿然則谿亦山間

有水之名是澗之類故云谿亦澗也沼者池之別名張揖廣雅亦云沼池也

應劭風俗通云池者陂池從水也聲沚與時音義同釋水曰小渚曰沚釋名

曰沚止也小水可止息其上草是地之毛周禮宅不毛謂宅內無草木也故

杜以毛為草草即下句蘩蘩蕓藻是也蘩陸菜而云沼沚之毛者或采之水

旁非皆水內也注蘩大至聚藻也正義曰釋草云苹萍其大者蘩舍人曰苹

一名萍大者名蘩郭璞曰水中浮萍江東謂之藻陸機毛詩義疏云今水上

浮萍是也其蘩大者謂之蘩小者曰萍季春始生可糝烝為茹又可苦酒淹

以就酒釋草又云蘩皤蒿孫炎曰白蒿也陸機疏曰凡艾白色為皤蒿今白

蒿春始生及秋香美可生食又可烝一名遊胡北海人謂之旁勃故大戴禮

夏小正傳曰蘩遊胡遊胡旁勃也許慎說文云藻水草從月從水巢聲或作

藻從澡毛詩傳曰藻聚藻也然則此草好聚生蕓訓聚也故雲蕓藻聚藻也

陸機疏云生水底有二種其一種葉如雞蘇莖大如箸長四五尺其一種莖

大如釵股葉如蓬謂之聚藻又云扶風人謂之藻聚為發聲也此二藻皆可

春秋左傳注疏卷二

五

食煮熟掇去腥氣米麴粦蒸為茹嘉美楊州人饑荒可以當穀食

筐筥錡釜之器注

方曰筐員曰筥無足曰

釜有足曰錡音義

其綺反筐筥皆器也

疏

正義曰此皆詩毛傳鄭箋之

文也說文云筥飯牛筐也廣雅

云錡潢汙行潦之水注

潢汙停水行潦流潦音義

潢音黃汙音

疏

正義曰

不流也行道也雨水謂之潦言道上聚流者也服虔云畜小水謂之潢水不

流謂之汙行潦道路之水是也此水用為飲食故引澗酌之篇藻雖潦水所

生要此潦非生菜處也

可薦於鬼神可羞於王公注羞進也疏

正義曰王公是生王公也或以

之情故言二國音義焉於虔反約如

風有采蘩采蘋注采蘩采蘋詩國風義

取於不嫌薄物雅有行葦澗酌注詩大雅也行葦篇義取忠厚也澗酌篇義

取雖行潦可以共祭祀也音義

葦于鬼反澗

疏

正義曰采蘩采蘋澗酌上傳

及行葦今言行葦者其意

昭忠信也

注

明有忠信之行雖薄物皆可用音

義行下武氏子來求賻王未葬也注

武氏至葬也正義曰蘇氏云案文九年

傳直云王未葬不同者毛伯直釋不稱使故云不書王命此武宋穆公疾召氏子非但不稱使又稱父族二事皆由未葬故直云王未葬也

大司馬孔父而屬殤公焉曰先君舍與夷而立寡人注先君穆公兄宣公也

與夷宣公子即所屬殤公音義

屬章欲反注同殤舒羊反舍音捨與如字一音餘

疏

正義曰曲禮下曰臣某侯某其與民言自稱曰寡人今與臣言亦云寡人則知其對臣民天子自稱同也老子曰孤寡不穀王侯之謙稱故以下諸侯自稱亦多言不穀寡

人弗敢忘若以大夫之靈得保首領以沒先君若問與夷其將何辭以對請

子奉之以主社稷寡人雖死亦無悔焉對曰群臣願奉馮也注馮穆公子莊

公也音義

沒本亦作歿同馮皮冰反本亦作憑

公曰不可先君以寡人為賢使主社稷若棄德

不讓是廢先君之舉也豈曰能賢注言不讓則不足稱賢光昭先君之令德

可不務乎吾子其無廢先君之功注先君以舉賢為功我若不賢是廢之使

公子馮出居於鄭注辟殤公也八月庚辰宋穆公卒殤公即位君子曰宋宣

公可謂知人矣立穆公其子饗之命以義夫注命出於義也夫語助音義

夫音符注

正義曰義者宜也錯心方直動合事宜乃謂之為義宣公之立穆公同知穆公之賢必以義理不棄其子今穆公方卒命孔父以義事而立

春秋左傳注疏卷二

六

殤公是穆公命立殤公出於仁義之中故杜云命出於義也必知命以義夫謂穆公命立殤公者以杜注云帥義而行則殤公宜受此命宜荷此祿公子馮不帥父義終傷咸宜之福明知殤公受穆公之命與殷湯武丁同有咸宜是知穆公命殤公是為義也商頌曰殷受命咸宜百

祿是荷其是之謂乎注

詩頌言殷湯武丁受命皆以義故任荷天之百祿也

帥義而行則殤公宜受此命宜荷此祿公子馮不帥父義忿而出奔因鄭以

求入終傷咸宜之福故知人之稱唯在宣公也殷禮有兄弟相及不必傳子

孫宋其後也故指稱商頌音義

頌似用反荷本又作何何可反又音何注同任也任音壬忿芳粉反稱尺證反傳直專反

疏

正義曰商頌玄鳥之卒章言成湯武丁此二王者受天之命皆得其宜故天之百種之祿於是乎荷負之言天祿皆歸故得而荷負也今穆公立殤

公亦得其宜故殤公宜荷其祿詩之意其是此事之謂乎注詩頌至商頌正

義曰唐虞之代契為司徒封於商十四世至湯王有天下遂以商為代號後

世有武丁者中興賢君時有作詩頌之者謂之商頌美湯與武丁能荷天祿

今殤公亦荷天祿與詩義同故引以證之公羊傳言宋之禍宣公為之尤其

舍子立弟果令馮有爭心以馮之爭為宣公之過今此傳善宣公故申明其事若使帥義而行則殤公宜受此命宜荷此祿但公子馮不帥父義失其咸宜故知人之稱唯在宣公止善宣公知穆公耳馮自爭國非宣公之罪故善之傳言使公子馮出居于鄭則是父使之出注言忿而出奔者四年傳曰公

子馮出奔鄭鄭人欲納之又告宋曰君若伐鄭以除君害是馮出奔鄭求入欲害宋國也父使居鄭欲以辟殤公馮乃因鄭欲以害殤公故據父言之則

云使之出居據馮言之則云忿而出奔各從其實而為之文也謚法短折不成曰殤布德執義曰穆冬齊鄭盟于石門尋盧之

盟也注盧盟在春秋前盧齊地今濟北盧縣故城庚戌鄭伯之車僨于濟注

既盟而遇大風傳記異也十二月無庚戌日誤音義反債弗問疏注正義曰釋

舍人曰背踣意也車踣而入濟是風吹之隊濟水非常之事故云傳記異也禹貢導沅水東流為濟入于河溢為滎釋例曰濟自滎陽卷縣東經陳留至濟陰北經高平東經濟北東北經濟南至樂安博昌縣入海案檢水流之道今古或殊杜既考校元由據當時所見載於釋例今一皆依杜雖與水經乖異亦不復根尋也庚戌無月而云十二月者以經盟于石門在十二月知此亦十二月也經書十二月下云癸未葬宋穆公計庚戌在癸未之前三十三日不得共在一月彼長歷推此年十二月甲子朔十一日有甲戌二衛莊公十二月在丙戌不得有庚戌而月有癸未則月不容誤知日誤也

娶于齊東宮得臣之妹曰莊姜注得臣齊太子也太子不敢居上位故常處

東宮疏正義曰齊國侯爵譜云姜姓大公望之後其先四岳佐禹有功或封於呂或封於申故太公曰呂望也太公股肱周室成王封之於營丘今臨淄是也僖公九年魯隱公之元年也簡公四年獲麟之歲也簡公弟平公十三年春秋之傳終矣平公二十五年卒後二世七十年而田氏奪齊太公之後滅矣案齊世家莊公生僖公東宮得臣未知何公太子案史記十二年諸侯年表衛莊公之立在春秋前二十五年齊僖公之立在春秋前八年然則莊姜必非齊僖公之女蓋是莊公之女僖公姊妹也得臣為太子早死故僖公立也不言僖公姊妹而繫得臣者見其是適女也得臣為太子云常

春秋左傳注疏卷二

處東宮者四時東為春萬物生長在東西為秋萬物成就在西以此君在西宮太子常處東宮也或可據易象西北為乾乾為君父故君在西東方震震為長男故太子在東宮也美而無子衛人所為賦碩人也注碩人詩義取莊姜美于色賢

于德而不見答終以無子國人憂之音義為音于疏正義曰此賦謂自作詩

曰賦鄭玄云賦者或造篇或誦古然則賦有二義此與閔二年鄭人又娶于賦清人許穆夫人賦載馳驅皆初造篇也其餘言賦者則皆誦古詩也

陳曰厲嬀生孝伯早死注陳今陳國陳縣音義危反疏正義曰陳國侯爵譜

周之興有虞遏父者為周陶正武王賴其利器用與其先聖之後以元女大姬妃遏父之子滿封於陳賜姓曰嬀號胡公桓公二十三年魯隱公之元年也湣公二十一年獲麟之歲也二十四年其娣戴嬀生桓公莊姜以為己子楚滅陳此當桓公時二嬀蓋桓公姊妹也

注嬀陳姓也厲戴皆謚雖為莊姜子然太子之位未定疏注正義曰謚法暴

無愆曰戴是皆謚也石碯言將立州吁乃定之矣請定公子州吁嬀人之子

也注嬀親幸也音義反混于反嬀必計有寵而好兵公弗禁莊姜惡之石碯

諫曰臣聞愛子教之以義方注石碯衛大夫音義好呼報反禁居嬀反一音

弗納於邪驕奢淫泆所自邪也四者之來寵祿過也將立州吁乃定之矣若

猶未也階之為禍注言將立為太子則宜早定若不早定州吁必緣寵而為

禍音義

邪似嗟反下

疏

正義曰驕謂恃己陵物奢謂夸矜僭上淫謂奢欲過

言此四者過從邪起是也劉炫云此四者所以自邪已身言為之不已將至於邪邪謂惡逆之事劉又難服云邪是何事能起四過若從邪起何鬚云四者之來寵祿過也寵祿豈是邪事四者得從而來乎且夫寵而不驕驕而能

降降而不憾憾而能眄者鮮矣注如此者少也降其身則必恨恨則思亂不

能自安自重音義

夫音扶發句之端後放此憾本又作感同胡暗反恨也五年同眄之忍反重也鮮息淺反少也

疏

正義曰恃君寵

愛未有不驕亦既驕矜必不能自降其心強降其心未有不恨亦既怨恨必不能自重其身釋言云眄重也言恨則思亂必不能自安自重也寵而必驕降而必憾言其勢必自然故言其能不然者少也驕而不能降憾而不能眄言其心難自抑故言其能然者少也鮮訓少以一鮮總四事言四事皆鮮也

且夫賤妨貴少陵長遠間親新聞舊小加大注小國而加兵於大國如息侯

伐鄭之比音義

妨音芳少詩照反長丁丈反間間廁之間下同比必二反

淫破義所謂六逆也君義臣行

父慈子孝兄愛弟敬所謂六順也注臣行君之義疏

正義曰賤妨貴謂位有貴賤少陵長謂年有長

幼楚公子申多受小國之賂以偪子重子辛是賤人而妨貴人也邾捷菑以弟而欲奪兄位是年少而陵年長也齊東郭偃棠無咎專崔氏之政而侮崔

春秋左傳注疏卷二

八

春秋左傳注疏

成崔彊是疏遠而間親戚也晉胥童夷羊五得君寵而去三郤是新臣而間舊臣也息伐鄭曹奸宋是小國而加大國也陳靈蔡景姦穢無度是邪淫而破正義也妨謂有所害陵謂加尚之間謂居其間使彼疏遠也加亦加陵破謂破散淫義不兩立行惡則破善故言破也去順效逆所以

速禍也君人者將禍是務去而速之無乃不可乎弗聽其子厚與州吁游禁

之不可桓公立乃老注老致仕也四年經書州吁弑其君故傳先經以始事

音義

去起呂反下同弑音試先悉薦反

疏

正義曰州吁於逆則少陵長於順則弟不敬是去

也注老致至始事正義曰禮七十而致事言還其所掌之事於君也傳之初始有此故言傳先經以始事餘不注從可知也

經四年春王二月莒人伐杞取牟婁注無傳書取言易也例在襄十三年杞國

本都陳留雍丘縣推尋事跡桓六年淳于公亡國杞似并之遷都淳于僖十四

年又遷緣陵襄二十九年晉人城杞之淳于杞又遷都淳于牟婁杞邑城陽諸

縣東比有婁鄉音義

杞音起牟亡侯反易以豉反雍於用反

疏

正義曰譜云杞姒姓夏禹之苗裔

封之於杞今陳留雍丘縣是也九世及成公遷緣陵文公居淳于成公始見春秋潛公六年獲麟之歲也潛公弟哀公三年春秋之傳終矣哀公十年卒自哀公以下二世十三年而楚滅杞檢杞於此歲已見於經桓二十三年有杞侯來朝莊二十七年有杞伯來朝於傳並無號謚又不書其卒僖二十三年杞成公卒其

謚乃見於傳未知此年紀國定是何君當是成公之父祖耳牟婁杞邑莒伐取之自是以後常為莒邑昭五年齊侯伐晉傳稱取朝歌並書伐不書取此伐取兩稱取王官及郊襄二十三年齊侯伐晉傳稱取朝歌並書伐不書取此伐取兩書者彼告伐不告取此伐取並告故也昭元年伐莒取鄆書取不書伐昭十年伐莒取鄆書伐不書取者元年兵未加莒而鄆逆服故書取不書伐十年晉以取鄆討公故書伐不書取者元年兵未加莒而鄆逆服故書取不書伐十年晉以義曰襄十三年傳例曰凡書取言易也知此書取亦言易也地理志云陳留郡縣故杞國武王封禹之後東樓公是杞本都陳留雍丘縣也志又云北海郡淳于縣應劭曰春秋州公如曹左氏傳曰淳于公如曹臣瓚案州國名淳于國之所都此淳于縣于漢屬北海郡晉時屬東莞郡故釋例土地名云州國都于東莞淳于縣以雍丘淳于雖郡別而竟連也桓五年傳稱淳于公如曹度其國危遂不復六年春實來雖知其國必滅不知何國取之襄二十九年晉帥諸侯城杞昭元年祁午數趙文子之功云城淳于是知淳于即杞國之都也僖十四年文疑不敢質故言推尋事跡似當然也若然淳于為杞所并定似不虛而遷都淳于未有事跡自雍丘而遷緣陵亦可知矣而且必言遷都淳于又從淳于遷緣陵者以桓六年淳于公亡國襄二十九年又杞都淳于則淳于始末是杞之所有又杞之類是也都故疑未都緣陵之前亦都淳于也取國易者則直言取若郭取鄆之類是也都故不須加伐於上若其伐國取邑其邑既小不得名通若不加伐於上不知得何國之邑是以雖易亦加伐文則伐杞取牟婁伐邾取須句之類是也成二年取汶陽田乞師盟主興兵伐齊得邑既難而亦書取者因其伐齊晉使還汶陽之田魯不加兵故書取從易也劉君或疑此意遂云上言伐下言取者非易以規杜氏非也

春秋左傳注疏卷一

九

戊申衛州吁弑其君完注稱臣弑君臣之罪也例在宣四年戊申三月十七日

有日而無月

音義

弑本又作殺同音試凡弑君之例皆放此可以意求不重音完音丸

疏

注

正義曰宣四年傳例曰凡弑君稱君君無道

也稱臣臣之罪也注云稱君謂唯書君名而稱國以弑言衆所共絕也稱臣者謂書弑者之名以示來世終為不義然則此稱州吁之名稱臣弑君是臣之罪也言完非無道而州吁為賊也州吁實公子而不稱公子者傳文更無褒貶直是告辭不同史有詳略耳公子雖復非族而文當族處春秋書族以否大有乖異故杜備言之釋例曰尋案春秋諸氏於之稱甚多參差而先儒皆以為例欲託之於外赴則患有入身自來者例不可合因以辟陋未賜族為說弑君不書族者四事州吁無知不稱公子公孫賈氏以為弑君取國故以國言之案公子商人亦弑君取國而獨稱公子宋督賈氏以為督有無君之心故去氏案傳自以先書弑君見義不在於氏也宋萬賈氏以為未賜族案傳稱南宮長萬則為已氏南宮不得為未賜族也執殺大夫成熊之等六七人皆稱氏族無為獨於此皆以為陋案楚殺大夫公子側大夫成熊之錯欲以為無義例則傳曰嘉之故不名書二人陋也欲以為通例則有若此之錯欲以為無義例則傳曰嘉之故不名書曰仲孫嘉之書曰崔氏非其罪輦溺帥師皆曰疾之稱族尊君命舍族尊夫人尊晉罪己之文炳然著明以此推之知亦非仲尼所遺也斯蓋非史策舊法故無凡例當時諸國以意而赴其或自來聘使者辭有詳略仲尼脩春秋因采以示義義之所起則刊而定之不去其辭有詳略仲尼脩春秋因采以從稱季傳曰蔡人嘉之書崔氏傳亦曰且告以族明皆從其本也書司馬華孫來盟亦無他比知非大例也然則總而推之春秋之義諸侯之卿當以名氏備書於經其加貶損則直稱人若有褒異則或稱官或稱氏若內卿有貶則特稱名文不直言魯人故異於外也若無褒無貶傳所不發者則皆就舊文或未賜

族或時有詳略也推尋經文自莊公以上諸弑君者皆不書氏閔公以下皆書氏亦足明時史之異同非仲尼所皆刊也是杜解州吁不稱公子之意杜知然者正以經之所書無常比例褒則或書官或書氏貶則或稱人或去族既無定例明非舊典仲尼有所起發則刊正舊史無所褒貶則因循故策仲尼改者傳辨其由傳所不言則知無義正是史官自有詳略故耳戊申在癸未之後二十五日更盈一周則八十五日往年十二月癸未葬宋穆公則此年二月不得有戊申雖承二月之下未必是二月之日故長歷推此年二月癸亥朔十日壬申二十二日甲申不得有戊申也三月壬辰朔則十七日有戊申也此經上有二月下有夏得在三月之內不是字誤故云有日而無月僖二十八年冬下無月而經有壬申公朝于王所有日而無月經有比類故知此亦同之凡如此者有十四事

夏公及宋公遇于清注遇者草次之期二國各簡其禮若道路相逢遇也清衛

邑濟北東阿縣有清亭疏注正義曰曲禮下云諸侯未及期相見曰遇相見於

則制財用之節示威於衆各重其禮雖特會一國若二國以上皆稱會也遇者或未及會期或暫須相見各簡其禮若道路相逢遇然此時宋魯特會欲尋舊盟未及會期衛來告亂故二國相遇若三國簡禮亦曰遇故莊四年齊侯陳侯鄭伯遇于垂是也曲禮稱未及期而相見指此類也周禮冬見天子當是百劉賈以遇者用冬遇之禮故杜難之釋例曰遇者倉卒簡儀若道路相逢遇者耳周禮諸侯冬見天子曰遇劉氏因此名以說春秋自與傳違案禮春曰朝夏曰宗秋曰覲冬曰遇此四時之名今者春秋不皆同之於禮冬見天子當是百官備物之時而云遇禮簡易經書季姬及鄫子遇于防此婦呼夫共朝豈當復

春秋左傳注疏卷二

用見天子之禮於理皆違是言春秋之遇與周禮冬遇異也草次猶造次造次倉卒皆迫促不暇之意

宋公陳侯蔡人衛人伐鄭

秋翬帥師會宋公陳侯蔡人衛人伐鄭注公子翬魯大夫不稱公子疾其固請

強君以不義也諸外大夫貶皆稱人至於內大夫貶則皆去族稱名於記事之

體他國可言某人而已國之卿佐不得言魯人此所以為異也翬溺去族傳曰

疾之叔孫豹則曰言違命此其例也音義翬許歸反強其丈反去疏正義曰

宛來歸祊庚寅我入祊及齊侯伐我北鄙及我師敗績然魯事皆得稱我則己之卿佐被貶亦可稱我人所以不然者凡云我者皆上有他國之辭故對他稱我魯人出會他國上未有他國之文不可發首言我人故也

九月衛人殺州吁于濮注州吁弑君而立未列於會故不稱君例在成十六年

濮陳地水名音義濮音疏正義曰春秋之世王政不行賞罰之柄不在天子

也其有臣子殺之即與弑君無異未必禮法當然要其時俗如是宣公殺惡取國納賂於齊以請會傳曰會于平州以定公位杜云篡立者諸侯既與之會則不得復討臣子殺之與弑君同故公與齊會而位定是其義也釋例又云諸侯篡立雖以會諸侯為正此列國之制也至於國內策名委質即君臣之分定故

諸殺不成君者亦與成君同義然杜前注云篡立者諸侯既與之會臣子殺之與弑君同則若未會諸侯臣子殺之不與弑君同似與釋例違者釋例所云諸弑不成君亦成君同義者即莊九年齊人殺無知及此年衛人殺州吁以其未會諸侯故不書爵猶不從兩下相殺之例故云亦與成君同義若既會諸侯則臣弑稱爵則文十八年齊人弑其君商人是也曹伯負芻殺其太子而自立成十五年諸侯同盟于戚曹伯既列於會然後晉人執之十六年傳稱曹人請于晉曰若有罪則君列諸會矣是列會即成君矣此州吁未列於會故不稱君曹人之辭即是成例故云例在成十六年殺之於濮謂死於水旁也釋例土地名此濮下注云闕哀二十七年傳濮下注云濮自陳留酸棗縣受河東北經濟陰至高平鉅野縣入濟彼濮與此名同實異故杜於此不言闕直云濮陳地水名冬十有二月衛人立晉**注**衛人逆公子晉而立之善其得衆故不書入於衛變文以示義例在成十八年**疏****注**正義曰成十八年傳例曰凡去其國國逆而立正當書入宜與齊小白同文傳言書曰衛人立晉衆也是仲尼善其得衆故改常例變文以示義也

傳四年春衛州吁弑桓公而立公與宋公為會將尋宿之盟未及期衛人來告亂夏公及宋公遇于清**注**宿盟在元年宋殤公之即位也公子馮出奔鄭鄭人欲納之及衛州吁立將脩先君之怨於鄭**注**謂二年鄭人伐衛之怨**疏****注**正義曰二年伐衛見經故以屬之未必往前更無怨也衛世家稱桓公十六年乃為州吁所弑則隱之二年當桓之世服虔以先君為莊公非也何則

春秋左傳注疏卷二

宣公烝夷姜生急子公納急子之妻生壽及朔朔能構兄壽能代死則是年皆長矣宣公以此年即位桓十二年卒終始二十矣雖壽之死未知何歲急子之娶當在宣初若隱之二年莊公猶在豈於父在之時已得烝父姜生急子也史記雖多謬誤此當信然而求寵於諸侯以和其民**注**諸篡立者諸侯既與之會則不復討故欲求此寵**音義**篡初患反復

復伐使告於宋曰君若伐鄭以除君害**注**害謂宋公子馮君為主敝邑以賦同與陳蔡從則衛國之願也**注**言舉國之賦調**音義**從才用反宋人許之於是

陳蔡方睦於衛**注**蔡今汝南上蔡縣**疏****注**正義曰蔡國侯爵譜云蔡姬姓文上蔡為蔡侯作亂見誅其子蔡仲成王復封之於蔡至平侯徙新蔡昭侯徙九江下蔡宣侯二十八年魯隱公之元年也昭侯子成侯十年獲麟之歲也成侯子聲侯四年春秋之傳終矣聲侯十四年卒自聲侯以下二世二故宋十八年而楚滅蔡地理志云汝南上蔡縣故蔡國周武王弟叔度所封

公陳侯蔡人衛人伐鄭圍其東門五日而還公問於衆仲曰衛州吁其成乎

注衆仲魯大夫對曰臣聞以德和民不聞以亂**注**亂謂阻兵而安忍以亂猶治絲而棼之也**注**絲見棼緼益所以亂**音義**棼扶云反亂也緼於云反夫州吁阻兵而安

忍阻兵無衆安忍無親衆叛親離難以濟矣**注**恃兵則民殘民殘則衆叛安

忍則刑過刑過則親離正義曰阻恃諸國之兵以求勝而征夫兵猶火也

弗戢將自焚也夫州吁弑其君而虐用其民於是乎不務令德而欲以亂成

必不免矣音義戰莊立反秋諸侯復伐鄭宋公使來乞師注乞師不書非卿公辭

之注從衆仲之言羽父請以師會之注羽父公子翬公弗許固請而行故書

曰翬帥師疾之也疏正義曰案元年傳邾人鄭人盟于翼公子豫請往公不

許而書於經又加貶責者公子豫公不許私竊而行翬師強諸侯之師敗鄭

徒兵取其禾而還注時鄭不車戰州吁未能和其民厚問定君於石子注石

子石碯也以州吁不安諮其父石子曰王覲為可疏正義曰於王處行覲曰

何以得覲曰陳桓公方有寵於王陳衛方睦若朝陳使請必可得也厚從州

吁如陳石碯使告于陳曰衛國褊小老夫耄矣無能為也此二人者實弑寡

君敢即圖之注八十曰耄稱國小己老自謙以委陳使因其往就圖之音義

覲其斬反見也朝直遙反後不出者皆陳人執之而請涖于衛注請衛人自

春秋左傳注疏卷二

十二

臨討之音義涖音利又九月衛人使右宰醜涖殺州吁于濮石碯使其宰孺

羊肩涖殺石厚于陳君子曰石碯純臣也惡州吁而厚與焉大義滅親其是

之謂乎注子從弑君之賊國之大逆不可不除故曰大義滅親明小義則常

兼子愛之音義孺奴侯反惡鳥路反與焉音預衛人逆公子晉于邢冬十二月宣公即位注

公子晉也音義邢音刑國名疏正義曰賊討乃立自繼前君故不待踰年也書曰衛人立晉衆也

經五年春公矢魚于棠注書陳魚以示非禮也書棠譏遠地也今高平方與縣

北有武唐亭魯侯觀魚臺疏注正義曰陳魚者獸獵之類謂使捕魚之人陳設

陳列之也其實觀魚而書陳魚者國君爵位尊重非蒐狩大事則不當親行公

故遣陳魚而觀其捕獲主譏其陳故書陳魚以示非禮也傳曰非禮也且言遠

地故知書棠譏遠地也

夏四月葬衛桓公

秋衛師入郕注將卑師衆但稱師此史之常也音義郕音成國名

九月考仲子之宮初獻六羽注成仲子宮安其主而祭之惠公以仲子手文娶

之欲以為夫人諸侯無二嫡蓋隱公成父之志為別立宮也公問羽數故書羽

婦人無謚因姓以名宮

音義

嫡丁歷反為
別于偽反

疏

正義曰三年之內木主遷入其中設祭以

安神也祭則有樂故初獻六羽初始也往前用八今乃用六也獻者奏也奏進

聲樂以娛神也六羽謂六行之人秉羽舞也

文也言初獻六羽者謂初始而獻非在後恆用知者案宣十五年

初稅畝杜云遂以為常故云初杜於此不解初義明不與彼同故春秋之經有文同事異如

此之類是也注以祭文不見故辨之云成仲子宮安其主而祭之以其與獻羽

連文知考謂祭以成之非謂始築宮成也又解立宮之意惠公以仲子手有夫

人之文因即娶之雖不以為夫人有欲以為夫人之意禮諸侯不再娶於法無

二適孟子入惠公之廟仲子無享祭之所蓋隱公成父之志為別立宮仲子以

廟本非正法喪服既終將為吉祭主無祭處始議立之故晚成也傳云始用六

佾不書佾而書羽者以公問羽數故書羽也婦人法不當謚仲子無謚故因姓

以名宮也立宮必書於策羽則非當所書善其復正故書之傳載衆仲之對而

言公從之是其善之意也為書六羽故言考宮言其因考以獻羽也若不為羽

當云立仲子之宮如立武宮煬宮然不須言考也禮雜記下云成廟則釁之路

寢成則考之而不釁以廟則當釁寢則當考此廟言考者考是成就之義廟者

鬼神所居祭祀以成之寢則生人所宅飲食以成之雜記注云路寢者生人所

居不釁者不神之也考之者設盛食以落之是也廟成釁之者尊而神之蓋木

主未入之前已行釁禮也案雜記釁廟之禮云祝宗人宰夫雍人皆爵弁純衣

雍人拭羊宗人視之宰夫北面于碑南東上雍人舉羊升屋自中屋南面割

羊血流于前乃降門夾室皆用雞先門而後夾室其岬皆於屋下割雞門當門

春秋左傳注疏卷一

十三

五

夾室中室有司皆鄉室而立門則有司當門北面既事宗人告事畢乃皆退是

釁廟之禮此言考宮獻羽自為主已入廟則祭以成之非釁禮與彼異也故公

羊傳曰考宮者何考猶入室也始祭仲子也是謂祭為考也服虔云宮廟初成

祭之名為考將納仲子之主故考成以致其五祀之祭之神以堅之其意謂考即是

釁也案雜記釁廟之禮止有雞羊既不用樂何由獻羽言將納仲子之主則是

仍未入宮然則作樂獻羽敬事何神考仲子之宮唯當祭仲子耳又安得致五

祀之神乎蘇氏云不稱夫人宮者桓宮僖宮不言公則仲子依例稱宮也若然

也不稱廟而言宮者於經例周公稱大廟群公稱宮故仲子依例稱宮也若然

案文十三年大室屋壞大廟稱室者謂大廟之室屋壞耳若傳文則大廟

或稱宮即大宮之椽是也群公或稱廟即同宗於祖廟同族於禰廟是也

邾人鄭人伐宋

注

邾主兵故序鄭上

疏

伐春秋正義曰天下有道諸侯不得專行征

故以主兵為首雖小國主兵即序於大國之上欲見伐由其國善惡所歸故也

雖大夫為主國君從之亦序主兵於上僖二十七年楚人陳侯蔡侯鄭伯許男

圍宋注云傳言楚子使子玉去宋經書人者恥不得志以微者告猶

序諸侯之上楚主兵故是微人主兵亦序國君之上史策之常法也

螟注

無傳蟲食苗心者為災故書

音義

螟亡反

疏

正義曰釋蟲云食苗心螟食

苗心者名螟言冥冥然難知也李巡曰食禾心為螟言其姦冥冥難知也食禾

葉者言其假資無厭故曰蠋也食其節者言其貪狼故曰賊也食其根者言其

稅取萬民財貨故曰蠋也孫炎曰皆政貪所致因以為名郭璞曰分別蟲啖食

禾所在之名耳李巡孫炎以政致為名舍人郭璞以食處為名陸機疏云舊說

螟蠋蠹賊一種蟲也如言寇賊姦宄內外言之耳故犍為文學曰此四種

蟲皆蝗也實不同故分別釋之然則螟非以蟲名以食苗之處為名耳

冬十有二月辛巳公子彊卒注大夫書卒不書葬葬者臣子之事非公家所及

音義

彊苦注正義曰檀弓下云君於大夫將葬弔於宮君親弔之而不書者

若國家所營則亦不可不書大夫之葬皆臣子自為非公家所及事不關國無以得書葬也他國之君書葬者遣使往會須書君命故耳

宋人伐鄭圍長葛注潁川長社縣北有長葛城

傳五年春公將如棠觀魚者臧僖伯諫曰凡物不足以講大事注臧僖伯公

子彊也僖謚也大事祀與戎音義觀魚者本其材不足以備器用則君不舉

焉注材謂皮革齒牙骨角毛羽也器用軍國之器君將納民於軌物者也故

講事以度軌量謂之軌取材以章物采謂之物不軌不物謂之亂政亂政亟

行所以敗也注言器用衆物不入法度則為不軌不物亂敗之所起音義待度

洛反一音如字疏正義曰說文云漁捕魚也然則捕魚謂之魚天官獻人掌

獵者也臧僖至敗也正義曰凡物不足以講大事者物謂事物旌旗車服之

屬若其為教戰祭祀等大事故布設陳列則可如其細碎盤遊雖陳其物不

春秋左傳注疏卷二

十四

春秋左傳注疏

因遊宴戲樂所得之材不堪足以備飾器用止謂不為器用而取此材故云
不足以備器用也人君一國之主在民之上當直己而行之以法驅民而納
之於善故云人君將納民於軌物者也言當為軌為物納民於其中也既言
民歸軌物更解軌物之名故講習大事以準度軌法度量謂之為軌準度軌
量即謂講習戰治兵祭祀之屬是也取鳥獸之材以章明物色采飾謂之為物
章明物采即取材以飾軍國之器是也劉炫云捕魚獵獸其事相類此諫大
意言人君可觀獵獸不可觀捕魚凡物者廣言諸物鳥獸魚鱉之類也材謂
所有皮革毛羽之類也器謂車馬兵甲軍國所用之物也凡此諸物捕之不
足以講習兵事其材不足以充備器用如此者則人君不親舉焉其意言獵
之坐作進退可以教戰陳獸之齒牙皮革足以充器用人君可以觀之捕魚
不足以教戰陳鱗甲不足以為器用人君不宜觀之無章如是則謂之荒亂
人君所行不得其軌舉動不順器服不當其物上下無章如是則謂之荒亂
之政也亂政數行國家之所以禍敗也其意言魚非講事是不軌材不充用
是不物今君觀魚是為亂國之政禍敗之本故不用使公行也事度軌量正
謂順時狩獵以教習戎事也材章物采正謂取其皮革以修造器物也下云
四時田獵治兵振旅以習威儀覆此講事也肉不登俎材不登器則公不射
覆此章物也別言川澤之實非君所及指言不可觀魚辭有首引自相配成
也注臧僖至與戎正義曰僖伯名彊字子臧世本云孝公之子即此冬書公
子彊卒是也謚法小心畏忌曰僖是僖為謚也諸侯之子稱公子公子之子
稱公孫公孫之子不得祖諸侯乃以王父之字為氏計僖伯之孫始得以臧
為氏今以僖伯之上已加臧者蓋以僖伯是臧氏之祖傳家追言之也成十
三年傳曰國之大事在祀與戎故知大事祀與戎也必知兼祀者以下云鳥
獸之肉不登於俎故也劉炫云田獵止教戎而言祀者獵狩主以祭祀故并
祀言之下注云俎祭宗廟器見此意也注言器至所起正義曰車馬旌旗衣

服刀劒無不皆有法度器用衆物不入法度廣言之也器不當法用非其物則為不軌不物政不在君則亂敗之所起也故春蒐夏苗秋

獮冬狩注蒐索擇取不孕者苗為苗除害也獮殺也以殺為名順秋氣也狩

圍守也冬物畢成獲則取之無所擇也音義蒐所求反索也獮息淺反說文

狩手又反索所百反孕疏注正義曰爾雅釋天四時之獵名與此同說者皆以證反為苗于偽反

遂以蒐田中夏教芟舍遂以苗田中秋教治兵遂以獮田中冬教大閱遂以

狩田其名亦與此同鄭玄解苗田與此小異言擇取不孕任者若治苗去不

秀實者孫炎亦然桓四年公羊傳曰春曰苗秋曰蒐冬曰狩三名既與禮異

又復夏時不田穀梁傳曰四時之田皆為宗廟之事也春曰田夏曰苗秋曰

蒐冬曰狩皆與禮異者良由微言既絕曲辨妄生丘明親受聖師故獨與禮

合漢代古學不行明帝集諸學士作白虎通義因穀梁之文為之生說曰王

者諸侯所以田獵何為苗除害上以共宗廟下以簡集士衆也春謂之田何

春歲之本舉本名而言之也夏謂之苗何擇其懷任者也秋謂之蒐何蒐索

肥者也冬謂之狩何守地而取之也四時之田總名為田何為田除害也案

苗非懷任之名何云擇去懷任秋獸盡皆不瘦何云蒐索取肥雖名通義義

不通也故先儒皆依周禮左傳爾雅之文而為之說其名亦有意焉雖復春

獵獲則取之不能擇取不孕夏獵所取無多不能為苗除害為因時異而變

文耳謂之獵者蔡邕月令皆於農隙以講事也注各隨時事之間音義隙去

章句云獵者捷取之名也皆於農隙以講事也注各隨時事之間音義逆反

疏注正義曰農月必有間時故曰隨時事之間也仲冬農之最隙故大備禮也三年

而治兵入而振旅注雖四時講武猶復三年而大習出曰治兵始治其事入

曰振旅治兵禮畢整衆而還振整也旅衆也音義振之慎反整也疏注正義

年常四時講武猶復三年而一大習猶如四時常祀三年而復為禘祭意相

類也出曰治兵者以其初出始治其事也入曰振旅者以治兵禮畢整衆而

還振訓是整理之義故振為整也旅衆也釋詁文治兵振旅坐作進退其禮

皆同所異者唯長幼先後耳釋天云出為治兵尚威武也入為振旅反尊卑

也孫炎曰出則幼賤在前貴勇力也入則尊老在前復常法也莊八年穀梁

傳曰出曰治兵習戰也入曰振旅習戰也公羊傳曰出曰治兵入曰振旅其

禮一也皆習戰也是其禮同也何休公羊為出曰祠兵休云殺牲饗士卒鄭

玄詩箋引公羊亦作治兵是其所見本異也此治兵振旅亦四時教之但於

三年大習詳其文耳周禮春教振旅秋教治兵者四時教民各以其歸而飲

宜春即止兵收衆專心於農秋即繕甲厲兵將威不軌故異其文耳

至以數軍實注飲於廟以數車徒器械及所獲也音義數所主反疏注正

桓二年傳例曰凡公行告于宗廟反行飲至彼飲至在廟知此言飲至亦飲

於廟也軍之資實唯有車徒器械獵則有所獲詩序車攻美宣王脩車馬備

器械因田獵而選車徒故知數軍實者數車徒器械及所獲也說文云械器

之總名虞喜云器械謂鎧甲兜鍪也宣十二年傳言楚國無日不討軍實而

申儆之襄二十四年傳曰齊社蒐軍實使客觀之二注昭文章注車服旌旗

並云軍器不言車徒及所獲者彼無獵事故不言也

疏注正義曰周禮巾車職曰革路建大白以即戎木路建大麾以田司服職

曰凡兵事韋弁服凡甸冠弁服鄭玄云甸田獵也計田獵當乘木路服冠

春秋左傳注疏卷二

弁但三年治兵乃習兵大禮不宜乘田車服田服天子蓋乘革路服韋弁也
在軍君臣同服公卿以下蓋亦乘兵車服兵服也其旌旗則尊卑異建治兵
之禮為辨旌物必不建大白大麾大司馬職曰中秋教治兵辨旌物之用王
載大常諸侯載旂軍吏載旗師都載旛鄉遂載物郊野載旐百官載旗遂以
獮田鄭玄云軍吏諸軍帥也師都遂大夫也鄉遂鄉大夫也或載旛或載物
衆屬軍吏無所將也郊謂鄉遂之州長縣正以下也野謂公邑大夫載旐者
以其將羨卒也百官卿大夫也載旗者以其屬衛王也按司常職云及國之大
閱贊司馬頒旗物王建大常諸侯建旂孤卿建旛大夫士建物師都建旗州
里建旗縣鄙建旐道車載旛旂車載旌計大閱治兵俱是教戰而旌旗之物
所建不同者鄭玄云凡頒旗物以出軍之旗則如秋以尊卑之常則如冬大
閱備軍禮而旌旗不如出軍之時空辟實然則大閱所建尊卑之常治兵所
建出軍之禮此三年治兵與秋教治兵其名既同建當不異故服虔解此亦
引司馬職文明是旌旗所建用秋辨旌物之法案大司馬職教治兵王載大
常所以巾車云大麾以田又云大白以即戎者先儒以為王田春夏則
大麾秋冬則大常旌旗所用雖如治兵之時然王若親軍則建大白

賤辨等列注等列行伍音義

辨如字又方免反別也行戶郎反

順少長注出則少者在前還

則在後所謂順也音義

少詩照反注皆同長丁丈反下注同

習威儀也鳥獸之肉不登於俎注

俎祭宗廟器音義

鳥獸之肉一本作其肉俎莊呂反

皮革齒牙骨角毛羽不登於器注謂以

飾法度之器則公不射古之制也疏

正義曰說文云革獸皮治去其毛革更之然則有毛為皮去毛為革周禮掌皮

春秋左傳注疏卷二

十六

五

秋斂皮冬斂革以其小異故別時斂之散文則皮革通也領上大齒謂之為
牙鳥翼長毛謂之為羽齒牙毛羽各自小異故歷言之也登於俎謂升俎以
共祭登於器謂在器以為飾諸器之飾有用此材者注俎祭宗廟器正義曰
饗燕之饌莫不用俎獨言宗廟器者明田獵取禽主為祭祀若止共燕食則
公亦不為下注云法度之器其義亦然非法之器公亦不舉登訓為升服虔
以上登為升下登為成二登不容異訓且云不成於器為不辭矣又器以此
物為飾寧復待之乃成也周禮獻人凡祭祀共其魚之鱸鼈特牲少牢祭祀
之禮皆有魚為俎實肉登於俎公則射之而以觀魚為非禮者此言不登於
俎者謂妄出遊獵雖取鳥獸元不為祭祀不登於器亦謂盤遊元不為取材
以飾器物今公觀魚乃是遊戲故以非之然登俎登器之物雖君所親至於
庶羞雜物細小之倫雖為祭祀亦君不射禮水土之品簋豆之物苟可薦者
莫不咸在豈皆公親之也劉炫云此言田獵之時小鳥小獸則公不射雖講
事而田尚不射小物況魚非講事不宜輒舉不若夫山林川澤之實器用之
謂登俎之物皆公所親射祭祀水土云云同

資阜隸之事官司之守非君所及也注士臣阜阜臣興興臣隸言取此雜猥

之物以資器備是小臣有司之職非諸侯之所親也音義

射食亦反阜才早反興音餘猥鳥罪

反疏

正義曰山林之實謂材木樵薪之類川澤之實謂菱芡魚蟹之屬此皆
器用之所資須賤人之所守掌非人君所宜親及之也此雖意諫觀魚

而廣言小事故注云取此雜猥之物以資器備非諸侯所親也雜猥謂諸雜
猥碎也資謂器之資財待此而備器之所用及所盛皆是也穀梁傳曰禮尊
不親小事卑不尸大功魚卑者之事也公觀之非正與此同也若然月令季
冬命漁師始漁天子親往嘗魚先薦寢廟彼禮天子親往此譏公者彼以時

魚絜美取之以薦宗廟特重其事天子親行意在敬事
鬼神非欲以為戲樂隱公觀魚志在遊戲故譏之也
公曰吾將略地焉注

孫辭以略地略總攝巡行之名傳曰東略之不知西則否矣音義行下孟反疏注

義曰僖九年傳曰東略之不知西則否矣又十六年傳曰謀鄭且東略也略者巡行之名也公曰吾將略地焉言欲案行邊竟是孫辭也若國竟之內不應譏公遠游且言遠地明是他竟也釋例曰舊說棠魯地據傳公辭欲略地則非魯竟也釋例土地名棠在魯部內云本宋地蓋宋魯之界上也
遂

往陳魚而觀之注陳設張也公大設捕魚之備而觀之音義捕音步僖伯稱

疾不從書曰公矢魚于棠非禮也且言遠地也注矢亦陳也棠魯地竟故曰

遠地音義從才用反疏注正義曰釋曲沃莊伯以鄭人邢人伐翼注曲沃晉

別封成師之邑在河東聞喜縣莊伯成師子也翼晉舊都在平陽絳邑縣東

邢國在廣平襄國縣音義沃烏疏注正義曰晉國侯爵譜云姬姓武王子唐

陽縣是也變父改之曰晉變父孫成侯徙都曲沃今河東聞喜縣是也穆侯徙都絳鄂侯二年魯隱公之元年也定公三十一年獲麟之歲也出公八年而春秋之傳終矣出公十七年卒自出公以下五世八十二年而韓趙魏滅晉也地理志云河東聞喜縣故曲沃也武帝元鼎六年行過改名應劭曰武帝於此聞南越破改曰聞喜志又曰趙國襄國縣故邢國然則於漢屬趙國於晉屬廣平
王使尹氏武氏助之翼侯奔隨

春秋左傳注疏卷二

十七

注尹氏武氏皆周世族大夫也晉內相攻伐不告亂故不書傳具其事為後

晉事張本曲沃及翼本末見桓二年隨晉地音義傳具一本作夏葬衛桓公

衛亂是以緩注有州吁之亂十四月乃葬傳明其非慢也四月鄭人侵衛牧

注牧衛邑經書夏四月葬衛桓公今傳直言夏而更以四月附鄭人侵衛牧

者於下事宜得月以明事之先後故不復備舉經文三年君氏卒其義亦同

他皆倣此音義牧州牧之以報東門之役注東門役在四年衛人以燕師伐

鄭注南燕國今東郡燕縣音義燕於賢疏注正義曰燕有二國一稱北燕故

姓地理志東郡燕縣南燕國姑姓黃帝之後也小國鄭祭足原繁洩駕以三

軍軍其前使曼伯與子元潛軍軍其後燕人畏鄭三軍而不虞制人六月鄭

二公子以制人敗燕師于北制注二公子曼伯子元也北制鄭邑今河南城

皋縣也一名虎牢音義洩息列反君子曰不備不虞不可以師曲沃叛王秋

王命虢公伐曲沃而立哀侯于翼注春翼侯奔隨故立其子光衛之亂也邲

人侵衛故衛師入郕注郕國也東平剛父縣西南有郕鄉音義

父音甫
疏正義注正

史記管蔡世家稱郕叔武文王子武王之母弟後世無所見既無世家不知其君號謚唯文十二年郕大子朱儒奔魯書曰郕伯來奔見於經傳則郕國伯爵
九月考仲子之宮將萬焉注萬舞也正義注案公羊傳曰萬者何羽不同今傳云將萬焉問羽數於衆仲是萬與羽為一者萬羽之異自是公

羊之說今杜直云萬舞也則萬是舞之大名也何休云所以仲子之廟唯有羽舞無千舞者婦人無武事獨奏文樂也劉炫云公羊傳曰萬者云云籥者云云羽者為文萬者為武武則左執朱干右秉玉戚文則左執籥右秉翟此傳將萬問羽即似萬羽同者以當此時萬羽俱作但將
公問羽數於衆仲注

問執羽人數對曰天子用八注八八六十四人諸侯用六注六六三十六人

疏正義曰何休說如此服虔以用六為六八四十八大夫四為四八三十

二士二為二八十六杜以舞勢宜方行列既減即每行人數亦宜減故同何說也或以襄十一年鄭人賂晉侯以女樂二八為二佾之樂知自上及下行皆八人斯不然矣彼傳見晉侯減樂之半以賜魏絳因歌鐘二肆遂言女樂二八為下半樂張本耳非以二八為二佾若二八即是二
大夫四注四四

佾鄭人豈以二佾之樂賂晉侯晉侯豈以一佾之樂賜魏絳
十六人士二注二二四人士有功賜用樂夫舞所以節八音而行八風注八

音金石絲竹匏土革木也八風八方之風也以八音之器播八方之風手之

春秋左傳注疏卷二

十八

舞之足之蹈之節其制而序其情音義

八音金鐘石磬絲琴瑟竹簫管土塤木柷敔匏笙革鼓也八方之風謂東

方谷風東南清明風南方凱風西南涼風西方閭闔風西
疏正義曰舞為樂

北不周風北方廣莫風東北風融風匏白交反蹈徒報反
注主音逐舞節八

音皆奏而舞曲齊之故舞所以節八音也八方風氣寒暑不同樂能調陰陽和節氣八方風氣由舞而行故舞所以行八風也
注八音至其情正義曰八

音為金石土革絲木匏竹周禮大師職文也鄭玄云金鐘罍也石磬也土塤也革鼓鼗也絲琴瑟也木柷敔也匏笙也竹管簫也八風八方之風者服虔

以為八卦之風乾音石其風不周坎音革其風廣莫艮音匏其風融震音竹其風明庶巽音木其風清明離音絲其風景坤音土其風涼兌音金其風閭

闔易緯通卦驗云立春調風至春分明庶風至立夏清明風至風體一也逐天立秋涼風至秋分閭闔風至立冬不周風至冬至廣莫風至風體一也逐天

氣隨八節而為之立名耳調與融一風一名昭十八年傳曰是謂融風是其調融同也沈氏云案樂緯云坎主冬至樂用管艮主立春樂用塤震主春分

樂用鼓巽主立夏樂用笙離主夏至樂用弦坤主立秋樂用磬兌主秋分樂用鐘乾主立冬樂用柷敔此八方之音既有二說未知孰是故兩存焉更說

制樂之本節音行風之意以八音之器宣播八方之風使人用手以舞之用足以蹈之節其禮制使不荒淫次序人情使不蘊結也蟋蟀詩曰無已大康

職思其居是節其制也舜歌南風曰南風之時兮可以阜吾
故自八以下注

人之財兮南風之薰兮可以解吾人之慍兮是序其情也
唯天子得盡物數故以八為列諸侯則不敢用八公從之於是初獻六羽始

用六佾也注魯唯文王周公廟得用八而他公遂因仍僭而用之今隱公特

立此婦人之廟詳問衆仲衆仲因明大典故傳亦因言始用六佾其後季氏舞八佾於庭知唯在仲子廟用六佾音義子念反疏正義曰襄十二年傳

是魯立文王之廟也文王天子自然用八禮記祭統曰昔者周公旦有勳勞於天下成王康王賜之以重祭朱干玉戚以舞大武八佾以舞大夏此天子之樂也康周公故以賜魯明堂位曰命魯公世世祀周公以天子之禮樂是周公之廟用八也傳曰始用六佾則知以前用八何休云僭齊也下效上之辭魯之僭以必有所因故本其僭之所由言由文王周公廟用八佾他公之廟遂因仍僭而用之今隱公詳問衆仲衆仲因明大典公從其言於仲子之廟初獻六羽故傳亦因言始用六佾謂仲子之廟用六佾他公則仍用八也至襄昭之時魯猶皆亦用八故昭二十五年公羊傳稱昭公謂子家駒曰吾何僭哉答曰朱干玉戚以舞大夏八佾以舞大武此皆天子之禮也是昭公之時僭用八也此減從正禮尚書於經若更僭非禮無容不書自此之後不書僭用八佾知他廟僭而不改故杜自明其證

其後季氏舞八佾於庭知唯在仲子廟用六也宋人取邾田邾人告於鄭曰請君釋憾於宋敝邑為道注釋四年再見伐之恨音義道音導本

師會之注王師不書不以告也伐宋入其郛以報東門之役注郛郭也東門

役在四年音義郭芳夫宋人使來告命注告命策書公聞其入郛也將救之

問於使者曰師何及對曰未及國注忿公知而故問責窮辭音義使所吏公

春秋左傳注疏卷二

怒乃止辭使者曰君命寡人同恤社稷之難今問諸使者曰師未及國非寡

人之所敢知也注為七年公伐邾傳冬十二月辛巳臧僖伯卒公曰叔父有

憾於寡人注諸侯稱同姓大夫長曰伯父少曰叔父有恨恨諫觀魚不聽疏

注正義曰詩伐木篇毛傳曰天子謂同姓諸侯諸侯謂同姓大夫皆曰父異姓則稱舅舅觀禮載天子呼諸侯之稱曰同姓大國則曰伯父其異姓則曰伯舅同姓小邦則曰叔父其異姓則曰叔舅然則諸侯之國有大小之異大夫無地之大小明以年之長少為異莊十四年傳稱鄭厲公謂原繁為伯父禮記祭統稱衛莊公呼孔悝為叔舅諸侯呼異姓大夫為伯舅同姓大夫為叔父者雖則無文明亦然矣僖伯者孝公之子惠公之弟惠公立四十六年而薨則子臧此時年非幼少呼曰叔父者是寡人弗敢忘葬之加一等注加命

服之等宋人伐鄭圍長葛以報入郛之役也

春秋左傳注疏卷二

按察使銜兼署廣東按察使鹽運使 臣 鍾謙鈞恭校刊